



Islamic Community of North American Bosniaks  
Islamska Zajednica Bošnjaka Sjeverne Amerike

Br: 01/NA-19/15

Phoenix, AZ: Ramazan 29, 1436. god. po H.,  
Juli 16, 2015. godine

### Bajramska čestitka Glavnog imama ICNAB-a, Mr. Sabahudin ef. Ćemana

#### **Dragi imami i cijenjeni predstavnici džematskih odbora ICNAB-a, drage džematlije, dragi Bošnjaci i Bošnjakinje**

Esselamu alejkum ve rahmetullahi ve berekatuhu,

Sutra je prvi dan ševvala, jedan od dva velika praznika u Islamu – ramazanski bajram. Muhammed alejhisselam veli u jednom hadisu: *“Uljepšajte vaše bajrame tekbirima, tehlilima (La ilahe illallah), tahmidima (Elhamdulillah) i takdisima (Veličanjem Allaha).”* Protekli Ramazan smo proveli u ibadetima, postu, teravih-namazu, učenju Kur’ana i zikru. Bajram je naš veliki dan jer u njemu Allah Uzvišeni nagrađuje postače sa oprostom. Allahov Poslanik Muhammed alejhisselam kaže u jednom hadisu: *“Kada nastupi bajram, Allah oslobodi od džehennema toliko ljudi koliko ih je oslobodio u svim noćima tog Ramazana, trideset puta po šezdeset hiljada.”*

Poučeni ovim i mnogim drugim hadisima iskoristimo svu imansku energiju koja se punila u Ramazanu da i dalje nastavimo koračati pravim putem, putem Islama. Samo iskreni su ustrajni na putu istine. Neka naši bajrami odišu imanom i ibadetima, kao i u proteklom Ramazanu. Nemojmo dozvoliti da za kratko vrijeme potrošimo sav duhovni kredit koji smo zaradili za vrijeme Ramazana. Budimo od onih koji ljubomorno čuvaju svoj iman.

Dragi Bošnjaci, koristim ovu priliku da vas pozovem da se u vašim džematima na prigodan način sjetite naših najodabranijih sinova, bosanskih šehida, na drugi dan bajrama, Dan šehida. Prije šest dana smo obilježili 20. godišnjicu genocida u Srebrenici. Sjetimo se na drugi dan bajrama svih šehida koji su svojim životima posvjedočili svoju iskrenost. Neka nam njihov primjer služi kao najbolji podsjetnik na važnost sabura, iskrenosti i kontinuiteta u Islamu.

Sa iskrenom željom da ovaj bajram provedete u imanskoj atmosferi u krugu svojih porodica, želim vam sve najljepše riječima,

#### **Bajram Šerif Mubarek Olsun !**

Uz mahsuz selam,

Mr. Sabahudin ef. Ćeman

Glavni imam

Islamska zajednica Bošnjaka Sjeverne Amerike

